

■鍾柔美快將拍劇，粉絲必定期待。



■羅毓儀喜歡探討內心深處的話題。

「聲夢小花」鍾柔美 (Yumi) 將拍無綫新劇《卧底嬌娃》，飾演邵美琪的女兒。童星出身的她坦言久未拍劇，擔心演得不好，會盡力演好角色。Yumi又自曝是「睡公主」，擔心拍劇很辛苦，因每日都要睡10小時以上才有精神，希望拍劇時可慢慢適應。

演邵美琪女兒 未拍先緊張

「睡公主」鍾柔美 最驚唔夠瞓

鍾柔美、羅毓儀及新人Y.Siu昨日接受新城廣播《Z世代咪高峰會》節目訪問。Yumi剛與姚焯菲、詹天文完成演唱會，緊接拍攝合唱歌《CYA》MV，下月初Yumi更要拍無綫新劇《卧底嬌娃》，飾演邵美琪的女兒，她坦言未演出已心情緊張：「雖然我細個有拍劇經驗，但今次角色好重戲份，怕自己未必會演得好，但都會盡我所能。」Yumi坦言擔心拍劇辛苦，因她習慣每日睡10小時，試過最高紀錄瞓足18小時，但現在大個女，希望慢慢適應。提到跟邵美琪首次合作，她表示未見過對方：「但我係睇TVB劇長大，都有留意『媽咪』嘅演出。」

談到好友炎明熹 (Gigi) 有欣賞她的

演唱會，Yumi透露開騷前Gigi到後台探班，互相傾談近況，奈何時間緊迫，未能談得太深入：「不過再次見面，感覺大家都成長咗好多。」

羅毓儀鍾情創作男

問到是否希望 After Class 齊人演出？Yumi說：「當然希望4個一齊演出，諗番我哋『聲夢』開始時4個小妹妹，但都係順其自然，要等公司安排，而且大家各有各忙，之後Chantel (姚焯菲) 又唔嚟香港，合體真係好難！」談到她與羅毓儀合演《卧》劇，羅毓儀笑言小時候看過對方演戲，Yumi尷尬說：「多謝！其實我會向唔同演員學習，因自己做唔到十全十美，希望觀眾諒我嘅演技！」

演而優則唱的羅毓儀被問擇偶條件，她笑言創作型的男士

■左起：Y.Siu、羅毓儀與鍾柔美到電台受訪。



必定加分：「因為我鍾意分享較深入內心深處嘅話題，可以嚟創作人嘅作品了解佢嘅想法。」問到是否有創作人追求？她稱不覺得有追求者，加上上半年前跟男友分手後，她仍未準備投入新戀情。

周殷廷 自爆約滿環球

周殷廷昨日出席時裝品牌活動，吸引數十名粉絲撐場。日前獲邀做鄭秀文演唱會嘉賓的他，直言感覺很夢幻，希望將來有機會再合作，如對方不介意，他願意寫歌給對方，甚至在電影上合作。他又稱現時有兩個電影計劃，除了以林過雲為題材的電影，另一部他自導自演的新片《疾風》亦籌備中。他自爆去年8月已跟環球唱片約滿：「依家同環球保持良好關係，只係我未有時間傾續約，真係唔好意思。同理應該冇人知我完約，所以冇人接洽我，我首選都會揀環球，除非公司唔要我。」

■大批粉絲到場撐周殷廷。



吳浩康唱出男人心聲

「職安真漢子」吳浩康 (Deep) 將於8月10日在新蒲崗東蒲胡李名靜體育館舉行「吳浩康《男歌》演唱會」，他說：「今次舉行演唱會嘅心情係前所未有咁緊張，因為所有嘢都嚟得好急，但真係唔知點解會有咁大嘅衝動，好想做。」他表示屆時會唱不同年份、不同階段和不同態度的男人歌，希望可以代一眾男士吐心聲。Deep又稱現時的工作跟演藝工作在分配上，仍有進步空間：「有好多嘢想去做，亦好難得依家有咁多機會，我唔想浪費任何一個機會。」



■吳浩康珍惜每次工作機會。

林峯預告明年紅館開騷

■鄭秀文與林峯合唱《愛在記憶中找你》。



鄭秀文 (Sammi) 前晚在紅館舉行第9場演唱會，邀得林峯擔任嘉賓，合唱《愛在記憶中找你》，期間林峯盡顯紳士風度，用手帕替Sammi抹去頭上的泡泡。之後他搞笑問Sammi：「網上流傳嘉賓名單，點解今日係『待定』？」Sammi說：「假嘍！」林峯再說：「我仲睇到個名單有『龍捲風』古天樂，其實你好多演唱會都請佢嚟。」Sammi笑言：「假嘍！佢話唔得閒嗰。」林峯笑言：「早知頭先同你合唱《今期流行》啦，你又跳得。」

之後Sammi返後台變裝，獨自在台的林峯說：「我上次嚟紅館唱歌係幾年前，其實我出年都有機會重返紅館，如果再近啲就係9月嚟澳門開騷，到時希望大家賞面。」他邊唱《愛不疚》邊跟觀眾握手，全場High爆。